

A o tlhoka legae e
bile o humanegile?



bible society
of south africa

O mo tlhaloganyong ya Modimo

Fa wena, jaaka bontsintsi jwa batho mo nageng ya rona, e le gore o nna mo mebileng mme e bile o latlhegetswe ke seriti le serodumo sa gago, Beibele e go netefaletsa gore Modimo o a go rata e bile o tshwenyega ka wena.

Tsholofetso ya Modimo

Ga a nke a athola ka fa matlho a gagwe a bonang ka teng, le e seng go siamisa ka fa ditsebe tsa gagwe di utlwang ka gona. Mme o tla atholela ba ba kwa tlase ka tshiamo, a sekela ba ba pelonolo mo lefatsheng ka nnete.

JESAYA 11:3b-5

Ke tla leboga MORENA gagolo ka molomo wa me ke tla mmoka mo bontsing jwa batho. Gonne o eme mo ntlheng ya le le jang la mohumanegi gore a mo golole mo go ba ba mo atholang.

DIPESALOME 109:30-31

Jesu o busetsa seriti sa bao ba tlhorang

“Go sego lona bahumanegi; gonne puso ya Modimo ke ya lona. Go sego lona ba jaanong lo tshwerweng ke tlala; gonne lo tla kgorisiwa. Go sego lona ba jaanong lo lelang; gonne lo tla tshega.”

LUKA 6:20b-21

Jesu o nnile jaaka mongwe wa bathoki

Gonne lo itse bopelothomogi jwa Morena wa rona Jesu gore le fa a ne a humile, o ne a humanega ka ntlha ya lona gore lo hume ka khumanego ya gagwe.

2 BAKORINTHE 8:9

Fa Modimo a o le ntlheng ya rona re ka bua ka go itshepo:

Marapo a me otlhe a tla re:

“MORENA,
ke mang yo o tshwanang nao,
yo o gololang motlhomolapelo
mo go yo o mo fetang ka thata,
le motho wa batho le mohumanegi
mo go yo o mo thukhuthang?”

DIPESALOME 35:10

“Babogisegi le bahumanegi
ba batla metsi, mme ba a tlhoka;
diteme tsa bone
di omeletse ka lenyora:
Ke nna MORENA
ke tla ba utlwang;
nna Modimo wa Iseraele,
ga nkitla ke ba tlogela.”

JESAYA 41:17

Jesu o gopola bathoki le bao ba se nang magae mo thapelong:

“Re fe gompieno
sejo sa rona sa letsatsi.”

MATHEO 6:11

***Ditemana di tshotswe go tswa go
Beibele ya Setswana 1970/1987**



E gatisitswe le go phasaladiwa ke
Bible Society of South Africa.
www.biblesociety.co.za



BibleSA.co.za

BibleSA

Bibles and audio Bibles are
available on the **BibleSA app**.